

Theologia Scholastica Secundum Viam Et Doctrinam D. Thomæ Aquinatis, Doctoris Angelici

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. III. Refelluntur effugia Adversariorum.

[urn:nbn:de:hbz:466:1-74152](#)

DEI sententiam, luculento testimonio confirmat id, quod refert Pallavicinus in hist. Concil. Trid. l. 7. c. 8. n. 3. cum disceptaretur de essentia peccati originalis, plerique probarunt, id quod F. Balthasar Eredia ex Ordine Predicatorum Episcopus ex S. Thoma etiam depromebat: nimurum, quod licet omne peccatum universaliter loquendo, principaliter consistat & velut formaliter in privatione NB. debita restitutinis opposita, secundum quam partem non est effectus, sed defectus, nihilominus subjectum talis privationis [sic] omnium aliarum privationum] est res vere subsistens. Pari modo igitur essentia peccati originalis. Et. Ubi videtis, hunc praeclarum Thomistam ex suo S. Doctore pro explananda privativa essentia peccati originalis, fundamentum posuisse, quod quolibet peccatum secundum suum formale, quo defectum nominat, in privatione consistat; idque probantibus plerisque Concilii PP.

§. III.

Refelluntur effugia Adversariorum.

R Esondant igitur primò ad authoritatem S. Script. peccatum appellari nihilum in sensu metaphorico & morali, eo quod sit nullius valoris & existimationis apud DEUM, quo sensu in S. Script. etiam peccatores quandoque dicuntur ad nihilum redigi.

Sed contrà est primò, quod S. Script. & PP. etiam peccatum comparant occitum & tenebras, quia voces non tantum moralem, aut metaphoram, sed veram privationem significant, atque secundum communem Theologorum regulam verba S. Script. sunt in sensu litterali accipienda, quandoque nullum sequitur inconveniens.

Contra est secundò, quod SS. PP. dicant, peccati nullam esse essentiam, vel naturam: sed nullitas essentia & natura non est mera nullitas moralis & metaphorica, sed est vera formalis carensia & privatio: ergo.

R Esondant alii secundò. Cùm SS. PP. dicant, mali seu peccati nullam esse naturam vel essentiam, ipsos loqui contra Manichæos & velle significare, quod malum non sit aliqua natura per se subsistens, non autem negare, quod sit aliqua entitas & habitudine positiva.

Sed contrà est primò. Qui vellent negare, quod accidentis sit natura per se subsistens, ineptè dicent, accidentis nullam esse naturam, vel essentiam: ergo etiam SS. PP. si tantum vellent negare, quod malum sit natura substantialis, ineptè dicent, mali seu peccati nullam esse naturam, vel essentiam.

Contra est secundò. SS. PP. insuper dicunt, malum & peccatum esse meram boni absentiam, amissionem, privationem, ideoque comparant cum tenebris & cæcitate. Sed ex eo quod aliquod ens non sit substantia, nequam sequitur esse meram boni absentiam & amissionem, nihil est aliud quam boni privationem: particulariter negantes sunt malignantis nature, ut vocant Dialectici, & negant omnem essentiam a bonitatem.

Contra est tertio, quod plures è SS. PP. allegatis, uti Grégo. Damasc. Ans. nullum habent negotium cuim Manichæis.

Contra est quartò. Natura tam accidentalis, quam substantialis est à DEO formale peccati non est à DEO: ergo tam parum est natura accidentalis, quam substantialis.

R Esondant alii tertio. Defectum & aversio. nem aliquando accipi contrariè, aliquando privative. Contraria aversio consistit in positiva tendentia contra DELIM, quæ in peccatis oppositis virtutibus Theologicis reperitur formaliter, in aliis vero virtualiter & interpretative. Cùm igitur S. Script. & PP. docent, peccatum esse defectum & aversionem à DEO, intelligendum hoc esse de defectu & aversionem à DEO, intelligendum hoc esse de defectu & aversione contrariè, non privative.

Sed contrà est primò: quod hæc explicatio sit 12. contra institutionem & usum utriusque termini, nempe defectus, & aversionis. Defectus quippe ex ipsa notione vocis significat absentiam aliquam debita perfectionis, aversio quoque formaliter non significat tendentiam in aliiquid sed potius recessum & fugam ab aliquo; unde & frequenter in S. Script. dicitur recessus, derelictio, abalienatio, aberratio. Ier. 2. Deut. 32. & ps. 77. exponitur per non servationem pacti, averterunt se, & non servaverunt pacum. Quod vero Salmantenses dicunt, aversionem non tam ab avertendo, quam aversando accipiendam, quod nominat quid positivum, gratis dicitur, neque ad Grammaticam crisi subficit. Imò hinc sequitur, quod omne peccatum formaliter consideretur in positivo actu fugæ, & non in conversione, quod est contra ipsos Salmantenses.

Contra est secundò, quod illa positiva & contraria aversio non sit ad mentem S. D. nam S. D. peccati aversionem ab incommutabili bono contraponit conversioni ad bonum commutabile, tanquam formale contra materiale: atqui aversio contraria Adversariorum nihil est aliud quam conversio ad commutabile bonum, nam secundum ipsorum explicationem consistit in positiva tendentia in objectum divinae legi contrarium; ergo illa contraria juxta mentem S. D. non est formale sed materiale peccati. Maj. liquet tum è testimonio præallegatis, tum ex 3. p. q. 86. a. 4. ad i. ubi dicitur: Culpa mortalis instrumentum habet, aversionem à DEO, & conversionem ad bonum creatum: sed aversio à DEO est sicut formale, conversio autem ad bonum creatum, efficit materiale.

Contra est tertio. Illa contrarietas constituit formalem rationem peccati, quæ significatur in Augustiniana definitione, dictum, factum, vel concupiscentia contra legem DEI: sed hæc non est quid positivum; nam S. D. h̄c a. 6. in c. docet: quid per ly contra legem significetur carentia debitæ commensurationis, quæ se habet ut formale.

§. IV.

Confutantur alia tres evasionses Adversariorum.

R Esondant quartò maxime ad clarissimas autoritates è S. D. cæcitatem, tenebras, privationem restitutinis, bonitatem, commenstratio- nis dici de peccato in sensu causali, non autem formalis: quod nempe peccatum sit radicaliter privatio, in quantum ipsa tendentia in objectum diffonum